

[www.BibleForChildren.org](http://www.BibleForChildren.org)



Lin 6




Kuti pohtidi-iy tan Noah. Noah  
kopwi ti ndramat huyen pe  
lila-an huyen ile madan Lapan  
idu kalmene-en erti. Iy  
intawonon Lapan iyin munen.  
Lapan indre-et ile lokpoi ndre

mandra-an, pe

indrendroni hemir  
ndramat huye' su  
hondruto hepe

pwi. Ndramat  
ndre sulo-on ti  
hompō ke to-ir.




Lapan ipe ile tan Noah ihpah, "Yu undretawe  
tawene ihpa ndre ndramat we honum  
ndresale odo lokpoi, odosa lokpoi ti  
indritah odo punou mo-on. Opondrih kei  
huyen pe ohtong sih ndrolim. Ahnan  
rum ki-in lon pe ewepisi kolta kile  
ndruwen pe lon."



Mandra-an tan ndrol  
tadam eri kihpa ndre  
kurti: elwe-en tadan eri  
mita


sangat-pe-tulngeh  
(130), murun tadan eri  
mita rungeh-pe-ruweh  
(22), pe pule-en idu lon  
ile eleng eri mita  
sungoh-pe-toloh (13).



"Pe okun song handrai pe  
handrai, ana' oduu  
ndramat, pe ana' su ka-an  
pe nenka-an yi."



Ka-an pe nenka-an handrai pe handrai, homou kamal  
pe homou ndruk wil we hasa hun ou. Ou okuni su hala  
lon ndrol, kile we hendrimat pwi.




Ou okun ndrotulmuu kamal pe  
ndrotulmuu ndrukwil odo ka-an  
handrai handrai ndre huye' su  
odo modo.



Odoke sane ka-an ndre mo-on odo modo, eri okun rumuu koson, homou kamal pe homou pedih odo handrai handrai.






Iy pe mbrulun,  
nedun su kamal  
pe su yinan,  
ha-au wawen nor pe  
hondroh ile ndrol, ile  
ndrodan ka-an huye' su odo  
madan Lapan, pe iy ndre  
mo-o' su ile ndre-et ta Lapan.



A simple line drawing of a building with a window. The building is composed of several parallel lines representing the roof and walls. A rectangular window with horizontal lines inside is positioned on the right side of the building. The drawing is minimalist and uses only black outlines on a white background.

Noah ke imin lokpoi ti iyenon  
ndre krismas puken anngat.





Pe idu mundrun  
rang 17th  
odo ndrou  
Februari odo  
krismas eriy, eri  
kuwor odo wo iyin pahndran poi ti itpar  
pe wo ihmbruh ise eleng, pe parar iseket  
pe lengin indrut ise poi iyenon ndre  
meseren hangoh pe lukumwen hangoh.




Wo ideh lakopwi pe ndrol  
ideheh ise pule-en.




Wo ile orwon lakopwi pe isulmu-en puliy elwe-ene ndre sulo-on odo lokpoi. Sane ndre sulo-on henehti ngoho' su odo lokpoi ti hamat.



Lapan indra-amelyen Noah ndrodan  
ka-an pe nenka-an hodo lon ndrol ti  
pwi. Iy intawonon Noah su pe Iy ihnan  
yor inguh pe wo ires munye ile poi.






Ndruwen mburmpalan  
puli y hehir, eri rang hangoh  
ndre inum yi, pe Noah itpiri  
pindiwa odo ndrol. Noah ipe  
kihtunon wo ti inna poi ndresale  
ndre mapwi. Ile pe iy iduwe pal ile  
kiu yi.




Pe isto 27th odo ndrou Februari, eri wo indrihak pe  
poi indrepukos ndresale. Lapan ipe ile tan  
Noah ihpah, "Ala poi odo ndrol ndrodan  
mbrulum, nedum su kamal pe  
mbrulu' su."



Noah idihi pat pe ihnan alta ta Lapan ile eriy. Inum pe ikun ka-an pe nenka-an homou homou odo lo' su ka-an pe nenka-an huyen ile ndre-et ta Lapan, pe itlumwi su ndre homou ea odo pule-en alta.






"Ta penuw Todo  
kurti ile ndrodan  
oduu ndramat pe  
su ka-an pe nenka-an  
yi, pe we kindrito pe  
kindrito, kenon ndre lokpoi  
kinum. Ile pe kile

kalmene-en poromis  
Todo kudu, eri Yu we  
kuduwe ka-uh kayeh  
Todo ki-in lon kohut. Iy  
erti kalmene-en ta  
penuw Todo ndroda  
lokpoi."






"Uh Yu kusorohe  
parar kile kohut pe  
ka-uh kayeh kihir,  
eri we Yu kudawonon  
poromis Todo ile  
tadam pe su ka-an, ihpa


ndre Yu we  
kundretawe wo  
kideh pe kihyan  
sane ndre sulo-on  
more' su ti pwi yi."




Lapan iduwe puko-on ile tan Noah  
pe nedun su pe ipe ihpah, "Otpo  
nedu' oduu hala sulo-on, ile pe  
yaya' oduu hasarpat hala  
lokpoi ndre mandra-an."




“Su nedun Noah kamal  
ndre ho-us ndrol ndrodan iy ti  
Siem, Jafet pe Ham. Ham nedun  
ti Kenan. Sa ndramat ndre sulo-on  
odo lokpoi ti hehir odo ke ta  
su nedun Noah ndre  
tulmuu.”





3



60



Lin 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Kurti OT (ktm) © 2011, Wycliffe Bible Translators, Inc. All  
rights reserved.

<https://www.bible.com/bible/1644/GEN.1.KTM>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

